



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XII. Tibi qui.

[urn:nbn:de:hbz:466:1-62559](#)

nem remittendæ videantur, Trident. sess. 24.
c. i. de reform. matrimonij. Aut si ex com-
missione Sedis Apostolicæ, super impedimen-
to matrimonij contrahendi dispensan-
dum; dummodo scandalum, infamia, vel a-
lia rationabilis causa ira postulare videa-
tur: Hac in re plurimum momenti habere
debet ipsius commissarij seu delegati iudici-
um; tametsi fortalsè producti testes, isque
qui eorum depositiones concepit, minus a-
ptè causas explicarit: quandoquidem com-
missio talibus verbis fieri solet, apud San-
chez lib. 8 de matrim. disp. 35. n. 1. Te di-
ligenter super premissis informes, & si per
informationem eandem, preces veritate niti
repereris, super quo tuam conscientiam one-
ramus, tunc &c. Apostolicā auctoritate dis-
penses.

Circa §. Si quid autem, querit Gl. ver.
remissione; Si iudex parti litiganti, à qua
minus accepit, re ipsâ restituerit, num po-
stea de novo illud iudici à parte liberaliter
donari possit? Affirmat probabiliter Gl. quā
sequitur Molin. cit. disp. 84. n. 14. dummodo
nihil in fraudem fiat, & is, cui donatur, de-
sierit tunc esse iudex delegatus donantis.
Quia aliud est restitutionem accepti mun-
eris remittere, quod hic prohibetur; aliud
verò rem in effectu restitutam, denuò dona-
re: In odiosis verò, seu penalibus non debet
fieri extensio de casu in casum. Quam
ipsum ob causam Gl. in §. Insuper, ver. mo-
deratas, & Mol. cit. disp. n. 16. bene admonen-
t, hanc ipsam pœnam seu inhabilitatem
comparandi dominij accepti muneris, ex-
tra casum, de quo c. loquitur, delegatorum
Roman. Pontificis, & Legatorum eius, ex-
tendendam non esse ad alios iudices dele-
gatos.

S. Proferendo.

19 Delegatus testes vocare non debet, nisi
conditio & status cause postulet. Tum ve-
rò is, qui testes produxit, competentes ex-
pensas pro veniendo, commorando, rede-
ndo, illis subministrare cogitur.

Vide quæ suprà dixi in hoc c. §. Insuper,
not. 2.

S. fin.

Quidquid contra præsentem constitutio-
nem actum fuerit, ipso iure irritum & ina-
ne est.

Bene hic Glossa admonet, hoc esse no-
num statutum: quia spectato priore iure,
processus institutus, non obseruatis quibus-
dam, quæ hic præcipiuntur, validus erat,
donec per exceptionem oppositam infir-
maretur. Videri potest Suarez lib. 5. de le-
gibus cap. 28. & 29.

CAPITVLVM XII.

Tibi qui.

P A R A P H R A S I S.

Caius à Sede Apostolica gratiam impetrav-
uit ad ecclesiam Biturensem: constituto
ipsi executore, qui ipsum in Canonicum
recipi faceret, & præbendam, si quæ va-
caret, aut proximè vacaturam prouide-
ret. Postea similem gratiam expectati-
vam in eadem ecclesia à Pontifice Seius
impetravit, qui literis suis priùs præsen-
tatis, in Canonicum receptus fuit ante
Caium, qui literas postea præsentavit.
Inde dubium ortum est, uter horum in
affectione præbendæ vacantis antese-
rendus sit: Respondet Bonif. VIII. Si præ-
bendæ eo tempore, cum Caius prior liter-
arum impecrator in Canonicum rece-
ptus est, Seio necdum collata fuit, di-
ctum Caium præferendum esse: Sin au-
tem collatio tunc facta, relinqua est
præbenda eidem Seio prouiso: Præter-
quam si executor intimauerit collatori
mandatum de prouidendo ipsi Caio; seu
vigore mandati interdixerit ei, ne con-
ferret, præsertim si cum inhibitione col-
lationis interpositum sit decretum, vt al-
teri facta collatio irrita sit: Idemque iu-
ris esse debet, si in literis gratiæ Aposto-
licæ insertum fuerit, vt irritum & inane
esset, quidquid contra eam attentaretur.
Tunc enim non obstante, quod ante re-
ceptionem Caij, priori literarum præsen-
tatori

tatori Seio præbenda collata sit, eidem auferri, & Caio conferri debet: Dummodo Caio, priori impetranti, dolus aut notabilis negligentia obijci non possit.

SUMMARIUM.

1. *Impetrans gratiam expectatiuam post alium, si prius in Canonicum receptus est, in asecutione præbende priori impetranti postponendus est, nisi dolus aut negligentia huic obijci possit.*
2. *Executores habent iurisdictionem delegatam.*

NO T A N D V M I. Canoniciatus distinguitur à præbenda; adeo, ut inter duos impetrantes gratiam expectatiuam, si posterior prius in Canonicum receptus est, in asecutione præbendæ priori impetranti postponendus sit.

Limitari tamen id debet, sicuti in fine c. dicitur: *Nisi dolus, aut notabilis negligentia ei obijci possit. Exempla eius rei assert Francus hic n. 8. Felin. in c. Capitulum n. 5. hoc tit.* Si primus gratiæ impetrator sciens posteriori præbendam conferri, id fieri permittat: *Vel si intra terminum à collatore, aut secundæ gratiæ constituto executore, sibi assignatum, prouideri sibi non faciat, seu collationem præbendæ acceptare culpabiliter intermittat.*

Aduertendum hic obiter, decisioni huius c. non aduersari e. eum cui 7. de præb. in 6. vbi dicitur, eum qui canoniciatum à Sede Apostolica asecutus est, omnibus alijs præfendum esse, etiam illi, qui literas de simili gratia prius presentauit, priusque receptas fuit. Nam textus ille loquitur de prouisione seu collatione canoniciatus in forma Diagniū à Papa facta, per quam ius in re, & quasi dominium canoniciatus seu beneficij acquiritur: hīc autem sermo est de gratia expectatiua, seu mandato prouidendi: *Lογiā autem diuersa sunt, conferre & mandare conferri, ait Gl. in cit. c. eum cui.*

NO T A N D V M II. Executor à Papa constitutus ad expediendam gratiam beneficij, habet iurisdictionem delegatam à Pa-

pa, vti ex hoc cap. colligitur, cùm dicitur, quod possit inhibere collatori, decretum interponere, & contradictores quoslibet compescere. Et ita annotauit Gl. hīc ver. certo, & alia Gl. in Clem. 1. ver. executores de offic. delegati, & videri potest Francus hīc n. 4. vbi admonet, ex doctrina Lapi, & cit. Gl. huius c. quod executor deberet esse certus ac nominatus; quemadmodum & de iudice delegato dictum in c. ad hæc 10. hoc tit. in antiqu.

CAPITVLVM XIII.

Si pro te.

PARAPHRASIS.

Titius impetravit literas executorias ad Præpositum ecclesiæ Biturensis, vt ipsi Canonicatum, & præbendam vacantem, vel proximè vacaturam, Apostolica autoritate prouideret, si Episcopi & Capituli consensus accederet. Postea vero Sempronius ad eandem ecclesiam impetrata gratiæ, in Canonicum receptus fuit: Hoc facto, cùm deinde Episcopi & Capituli consensus accederet, etiam Titio priori literarum impetranti, canoniciatus collatus est. Hoc in casu, si post triusque receptionem, præbendam vacare contingat, dubitatum fuit, vix alteri anteponendus sit: Respondet Bonifacius VIII. Sempronium esse in præbenda eius asecutione anteponendum.

SUMMARIUM.

1. *Si primo impetranti mandetur prouideri sub conditione, & secundus post impetrans apre illius conditionem impletam obtineat Canonicatum, is in asecutione præbendæ primo prefertur. Quod si Episcopus mortuus esset, aut impeditus, quo minus assensum daret cum Capitulo in mandato requisitus ad Canonicatum Titio conferendum, executor cum solo Capituli consensu prouideri non potuit, nisi in mandate expressum fuisset, et cum consilio Episcopi executer procederet.*
2. *NOTAN-*